

դածներէից երևում է, որ բուսաբաններէ
այդ խումբը շատ զոհ է մնացել մեր երկ-
րում կատարած իր ճանապարհորդութիւ-
նից: Առումը երէկ երեկոյեան Թիֆլիսից
մեկնեց Բագու, որտեղից կանցնի Նիժնի-
Նովոգորոքի վրայով Մոսկվա և ապա արտա-
սանման:

Օգոստոսի 24-ին Ա. Մ. Տէրտէրեանի
նախագահութեամբ տեղի ունեցաւ քաղա-
քային դումայի տնտեսական մասնաժողովի
ներառը քննելու հացալուծանների ներկայաց-
րած բողոքները հացի վերջին սակագնի
դէմ: Նիստի սկզբում բացատրութիւններ
տալու համար թողատրվեց ներկայ լինելու
հացափոռների ներկայացուցիչներին: Մաս-
նաժողովը քննելով բորայանի կօմիտէի
ստացած տեղեկութիւնները այլերի գնների
մասին և համոզվելով, որ գները աւելանում
են, արդարացի համարեց փոռների հացի
սակագիրը աւելացնել, նշանակելով՝ առա-
ջին տեսակի համար 4 1/2 կօպէկ ֆունտը,
երկրորդի համար՝ 4 կ. և երրորդ տեսակի
համար՝ 3 1/2 կօպէկ: Թորանացիների հա-
մար՝ առաջին տեսակի ֆունտը՝ 4 1/2 կօ-
պէկ, երկրորդը՝ 4 կ. և երրորդը՝ 3 1/2 կ.
և առաջ հացի ֆունտը՝ առաջին տեսակը՝
4 3/4 կօպէկ, երկրորդը՝ 4 1/4 կօպէկ:

Օգոստոսի 25-ին Թիֆլիսի 4-րդ մա-
սի հաշտարար դատարար Վասակեանը 7-րդ
նստիկանմանսի աւագ թաղական վերահըս-
կէի Գանանտանի հետ միասին Հուլիսըստում
տեղի ու տեղը քննեց հացի սակագիրը
խախտող հացալուծառ Գեօրգէրիանի, Գի-
լիշվիլի և Կախէտատէի վրա կազմված
արձանագրութիւնները գործը և մեղաւոր
ճանաչելով նիթարկեց իւրաքանչիւրին 25-ա-
կան բուրի տուգանքի: Երեք օրվայ ժա-
մանակամիջոցը անցնելուց յետոյ, հաշտա-
րար-գատարարի կայացրած դատավճիռը ի
կատար կանգնել:

Սերէկ, օգոստոսի 27-ին, բժիշկների
համար կազմակերպված կուրսերում պրի-
վատ-դօցէնտ Լ. Տարասվիլը կարգաց իր
վերջին դասախօսութիւնը շիշուկների մա-
սին, իսկ Մոսկվայի համալսարանի պրի-
վատ-դօցէնտ Ե. Մարտինովսկին երէկվանից
սկսեց իր դասախօսութիւնները:

Թիֆլիսի 2-րդ աստղաբանական դպրոցը
մտնելու համար խնդրեց ներկայացնելու
ժամանակամիջոցը յետաձգված է մինչև
սեպտեմբերի 1-ը:

Մի խիստ չքաւոր կին, որի ամու-
սինը անընդունակ է աշխատանքի և գլուխ
առած հեռացած է իր տնից, կամենալով
իր մանկահասակ երեք զաւակներից մէկին
մտցնել տեղական ծխական դպրոցներից
մէկը՝ անզօր է վճարելու դպրոցի պահան-
ջած կիսա-ուսումնավարձ 5 բուրլին, որի
պատճառով և երեսային սպանում է իր
տեղը դպրոցում կորցնելու Թշուառ մայրը
խնդրում է բարեբար անձերին զոհաբերել 5
բուրլի՝ ազատելով իր 9 տարեկան երեսա-
յին փոքրիկը անսպասակ թափառելուց:
Դրանք կարելի է յանձնել «Մշակի» գրա-
սեննակին՝ հասցնելու վերոյիշեալ դպրոցի
վարչութեան:

Թաղէվի գործը Թիֆլիսի դատաս-
տական պալատում կը քննվի սեպտեմբերի
21-ին: Մալլախովի փոխարէն կը պաշտպանի
նրան Օգոստինովը:

Օգոստոսի 25-ին, առաւօտեան ժամը
6-ին, Պետերբուրգի բնակչուհի օր. Ալէք-
սանդրա Բարանովան, առանց որևէ պաշտօ-
նի, կամենալով կենսադրկել իրան՝ ընդունել
է աննշան քանակութեան նաշատրի սպիրտ:
Թունաւորվածին տարել են Միքայէլեան հի-
ւանդանոց: Նրա կեանքը վտանգից գերծ է:

Օգոստոսի 26-ին, Թիֆլիսեցի բանուոր
կարգակա Ա. Թորոսեանցը, որ բնակվում է
Մընի նրբափողոցի № 6 տանը, մտնելով
իր ծանօթուհի Թիֆլիսեցի Սօֆիա Պօպօ-
վայի բնակարանը, որ գտնվում է Իտիկվա-
կի զառիվայրի № 2 տանը, սկսում է տան-
տիկնոջ հետ վէճի բռնկել, որի ժամանակ՝
իր մօտ ունեցած կօշկակարի դանակով մարմ-
նի երկու տեղից վէճք է հասցնում Պօպօ-
վային: Վերջինս տարված է Միքայէլեան
հիւանդանոցը, իսկ յանցաւորը ձերբակալ-
ված է: Վերաւորվածի կեանքը վտանգից
գերծ է:

ՆԱՄԱԿ ԽՄԲԱԳՐՈՒԹԵԱՆ

Բ Ա Ց Ն Ա Մ Ա Կ
Ատրպատականի Կնետ. դպրոցի տնտւշ
Յունան Դավթեանին*)

Թաւրիզ, 18 օգոստոսի
«Հօրիգօնի» № 175-ում կարդացի ձեր
հայրոյայից ամօնով գրած մի քանի տող
հերքումն իմ այն ակնարկութեան դէմ, որ
համեստօրէն գրել էի «Մշակում» ձեր և
ձեր տիկնոջ թոքախտի հիւանդութեան ա-
ռիթով զգացնել տալու Թաւրիզի հայ հա-
սարակութեան և առաւելապէս Կնետ. դպ-
րոցի հոգաբարձութեան, որ ջանան պահ-
պանել դպրոցական սերնդի ֆիզիկական ա-
ռողջութիւնը պատահական վարակումից,
ի նկատի առնելով և այն, որ՝ իբրև ուսու-
ցիչներ, բացի շփումն ունենալուց աշ-
կերանների հետ, նաև ուսումնարան ձեր
բնակարանն էք զարձարել, ուր միայն յարա-
բերութեան մէջ են ձեզ հետ աշակերտա-

*) Մի օրինակն ևս ուղարկված է «Հօրիգօնին»:

շակերտութիւնները: Դուք, պ. Յունան, փոխա-
նակ փաստացի և համոզիչ բացատրութիւն-
ներ տալու, գրել էիք մի երկու մութ, ան-
համարձակ և անճշգրիտ խօսք, փափագելով
իմացնել ձեր ազգականներին և բարեկամ-
ներին, որ հիւանդ չէք երբէք. և սկսել էք
բուռն զարդոյթի փրփուր ժայթել և ձեզ
համար շատ անպայմ բառեր շարտել իմ
հասցէին. դուք, որ ժընկեմում բարձր կըր-
թութիւն առնող ինտելիգենտի յաւակնու-
թիւնն ունէք և Ատրպատականի բարձրա-
գոյն կրթարանի վարիչն էք: Հայրոյելու
ոճով դուք ձեր անհատականութիւնն էք
հանդէս բերել. Le style est l'homme.

Անցնենք բուն հարցին:
Ձեր հիւանդութիւնը Թաւրիզում անհեր-
քելի փաստ է. անգամ անցած ուսումն.
տարվայ կիսից սուր կերպարանք ստանա-
լով՝ նա ձեզ դատապարտեց թերակատար
ուսուցման: Հոգաբարձութիւնը, կանխա-
մտածելով հարկաւ ձեր անելիքը, ար-
ձանագրութիւն կազմեց և յորդորեց ձեզ,
որ երկու բժշկի ստորագրութեամբ մի
վկայագիր ներկայացնէք և ապա ստանանէք
ձեր պաշտօնը: Դուք գիտութեամբ մոռա-
ցութեան տուիք զլիւարապէս մի բան, որ
աւելի շուտ վկայական պէտք էր առնէիք
Թաւրիզի այն բժիշկներից, որոնք՝ ժամա-
նակի ընթացքում բժշկական օգնութիւն
են հասցրել ձեզ և աւելի լաւ են ճանաչում
ձեր հիւանդութիւնը. այդ չարիք. այլ որ-
չպի ես կարողացայ սուսգել հաստատ աղ-
բիւրից, Դիլիշանից ուղարկեցիք վկայա-
գիր երկու անձանօթ, զուցէ ձեզ բարեկամ
և կուսակից բժիշկների ստորագրութեամբ.
Թէպէտ նրանց տուած վկայականն իսկ
խուսափողական հանգամանք ունի, քանի
որ վկայում են, թէ դուք երբեմն ունեցել
էք արդարեւ տուբերկուլօզ հիւանդութիւնը,
սակայն այժմ վէճքերի բերանները փակվել
են, ուստի և կարող էք վարել ձեր պաշ-
տօնը:

Վերևի պատմածներիցս երևում է նախ
որ դուք այդ հիւանդութիւնն ունեցել էք,
որը չը խոստովանեցիք ձեր հերքմազրուած
Երկրորդ՝ իմ կարծիքով, ձեր կազմել տուած
վկայականը օրինական ընդթ չունի և մի
զրօշ չարժէ. դա նրա համար, որ Եւրօպայ-
յում ընդունված սովորութիւն է արդէն,
որ հիւանդութիւնը ժամանակաւորապէս դա-
դարած լինելու դէպքում՝ մասնագէտ բժիշկ-
ները հիւանդի թուքը կամ կոկորդի լոք
ձուռքը քննութեան, անալիզի են հնթար-
կում լաբօրատօրիաներում և ըստ այնմ
վճիռ կայացնում հիւանդութեան գոյու-
թեան կամ չգոյութեան մասին և յետոյ
միայն վկայական տալիս: Արդեօք այդ
կերպ պատահի է նաև ձեզ հետ—ի հարկէ
ոչ. շատ բնական է՝ չէր էլ կարող լինել:
Հետեապէս ինչ նշանակութիւն կարող է
ունենալ ձեր ներկայացրած վկայականը:
Դիլիշանի օգաստն անտառներն ու օգափո-
խութիւնը կարող են մի առ ժամանակ
զուարթ և առողջ ցոյց տալ ձեզ. սակայն
չՏ կարող պատահի, որ հիւանդութիւնն
յանկարծ երևան գայ իր թագստոցից, այն
ևս այն ժամանակ, երբ ուսուցման ընթաց-
քում լինէք: Փաստերը բարձրագոյն աղաղա-
կում են նոյնիսկ ձեր ներկայացրած վկա-
յագրի գորութեամբ, որ դուք ձեր երկա-
մեայ պաշտօնավարութեան օրով թոքախ-
տով հիւանդ էք եղել, իսկ այժմ Դիլիշա-
նում ևս բարեկող լաւացել: Ասացէք, խնդրեմ,
ինչ չարիքով լաւացել: Ասացէք, խնդրեմ,
դուք, որ երկու հիւանդները, դուք և ձեր
տիկինը, բնակարան անելով ուսումնարանը՝
չը խնայէք ուսանող սերնդի կեանքը: Մի
աւելի շօշափելի պայցոյց չՏ նաև այն, որ
ձեր տիկինը այս տարի չէ վարձվելու այն
պատճառով, որ ստացած հիւանդութիւնը
թոյլ չէ տալիս այլևս ուսուցչական աշխա-
տանքի:

Ի՞նչ էք կարծում, պ. տեսուչ, Յս եմ
արդեօք «Գեօրգիզ» և «պատուազուրկ», որ
իբրև հասարակութեան մի անդամը, մեր-
կացրել եմ երևոյթը և ջանացել հեռացնել
վերահաս վտանգը այն դպրոցից, ուր
սովորում է նաև իմ հարազատ որդին,
թէ ղեք, որ երկու ամբողջ տարի ան-
վթարար շահագործել էք Ատրպատականի
կնետը. դպրոցը և թոքախտային բացիլ-
ներ տարածել մատաղ սերնդի շնչած օդի
մէջ: Այժմ հասկացաք, որ ինձ ոչ ոք չէ
զրդել, և ոչ էլ ձեր դէմ կուսակցական թէ
այլ ոտնձգութիւններ զարթար եմ մղում.
այլ ինձ զրդողն է եղել միայն հասարա-
կութեան շահը և մատաղ սերնդի առողջ
կրթութիւնը մտաւորապէս թէ ֆիզիքա-
պէս:

Դարձեալ կրկնում եմ, ձեր տեղը ոչ թէ
դպրոցն է, այլ հիւանդանոցը, ուր հայ ժո-
ղովուրդը պարտական է ձեզ տալ իր նիւ-
թական ու բարոյական աջակցութիւնը:

Հայկազուն

ՕՐԱՆՑ ՆՈՐՈՒԹԻՒՆՆԵՐ

Վարչաւայից հազորդում են, որ
Չեխոսոխօվում գրաւված են 15,000
օրինակ շարդարարութեան կոչող գըր-
քոյիկներ:

Ալբանացիների պարագլուխ Իզ-
մայիլ Գեմալը սենատոր է նշանակված: